

բարձրանում էին ամբիոնն և արտասանում ցատումով լի, կրքոտ ճառեր՝ ուղղւած հայերի ու Դաշնակցութեան դէմ: Ամբողջ պատասխանատուութիւնը, նրանց կարծիքով, ընկնում էր հայերի վրա, որոնք բռնի միջոցներով ձգտում էին ստեղծել «հայկական հողամաս»: Հայկական զօրամասերը չեն ենթարկւում կենտրոնական իշխանութեան և փոխանակ ուղղամահալատ մեկնելու՝ կուռում են խաղաղ ազդարնակութեան դէմ: Երեւանի ղէպերի հեղինակները Դրօն, դնդ. Փիրումեանն ու մի շարք ուրիշ հայ զինւորականներն ու զործիշներն են: Անհիմն է այն ամբաստանութիւնը, թէ մահմետականները փակում են ճանապարհը հայ զօրամասերի առջեւ և այլն և այլն:

Ի վերջոյ, Սէյմը ընդունեց մի բանաձեւ, որի հիմնական միտքն այն էր, թէ անմիջապէս պէտք է ձեռք առնեն վճռական միջոցներ, որպէսզի զօրամասերը կարողանան առանց արգելքի անցնել դէպի սահմանադրութիւն: Սակայն, ի՞նչ արժէք ունէր նման բանաձեւը, երբ Անդրկովկասի իշխանութիւնը զուրկ էր ամենատարրական զործադիր միջոցներից: Ուրիշ անգամների պէս, այս բանաձեւն էլ մնաց մեռած տառ, իսկ կեանքը դնաց իր ճանապարհով: Մահմետական շրջանները շարունակեցին յուզւել և բմբոստանալ՝ նպաստելով թիւրքական ուղղական ծրագիրներին: Հաշտարար պատւիրակութիւնները ոչ մի օգուտ չէին տալիս, բացի աւելորդ զոհեր պատճառելուց: Թիւրքերի մօտ ուղարկւած խառն պատւիրակութիւններից մէկի մէջ սպանւեց երեւանցի հասարակական գործիչ փաստարան Լևոն Մուշեղեանը:

Դրութիւնը ծանրանում էր և նրանով, որ նահանգը ապրում էր արտակարգ պարենաւորման տագնապ: Խանութների և պահեստների առջև կանգնած երկար «պոչեր»-ը յուզում էին ժողովրդին, խռովում նրա միտքը: Մարդիկ դեռ սովոր չէին մեծ զրկանքների և պահանջում էին հաց, նաւթ, շաքար...

Մարտ 12-ին նահանգային կոմիսար Ս. Թորոսեանը հեռագրում էր Թիֆլիս. «Պարենաւորման հարցը Երեւանի նահանգում ահաւոր բնոյթ է ստացել. Երեւանում հացի բաշխումը հասցւած է անտանելի փոքր չափի: Ո՛չ մի պաշար չկայ: Նոր-Բայազետ, Նախիջևան, Օրդուբաթ քաղաքները մնացել են առանց հացի, նաւթի, շաքարի և առաջին անհրաժեշտութեան այլ կարգի նիւթերի, իսկ Նախիջևանի և Նոր-Բայազետի գաւառները գտնւում են սոված խռովութիւնների ու բռնութիւնների նախօրեակին»:

Եւ խռովութիւններն ու բռնութիւնները չուշացան: Այստեղ ու այնտեղ սկսան կատարւել յարձակումներ պետական պահեստների և մասնաւոր խանութների ու հացի փուռերի վրա: Դրութիւնը դառնում էր սպառնական: Անհրաժեշտ էր ուժեղ և արագ գործող, վճռական ու միակամ իշխանութիւն: Այդ իշխանութիւնը Արարատեան դաշտը ունեցաւ յանձին Արամի:

Այս պահանջի գիտակցութեամբ, Երեւանի ազդարնակութիւնն ու զինւորականութիւնը, էրզրումի անկման լուրի տպաւորութեան տակ, մի բազմամարդ ժողովում որոշեցին Արամին յայտարարել ղեկատուոր և ամբողջ իշխանութիւնը կենտրոնացնել նրա ձեռքը: «Մեր Հայրենիք» երգելով հազարաւոր բազմութիւնը շարժւեց դէպի Արամի բնակարանը և յուզիչ հան-